



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallela Geographiae Veteris Et Novae

Briet, Philippe

Parisiis, 1648

§. 5. Politia Britannorum.

urn:nbn:de:hbz:466:1-13147

leus color existerat. Hoc autem colore pingebant in suo corpore diuersas belluarum formas, quas etiam plerumq; ferro exarabant. Solabant & ceruicem ventremque ferro præcingere, capillum nutrire, barbam radere præter labrum superius.

CIBVS. Agros non colebant, sed eis victum terra inculta, aut venatio sufficiebant: Nunquam gustabant pisces. Consciebant & cibi genus, cuius si quis gustasset ad fabæ magnitudinem, nec esuriebat, nec sitiebat ad multos dies.

POTVS ex hordeo, *Cumi* vocat Dioscorides, hodie voce leuiter inflexa Britannicè *Kuuru*.

PECVNIAE. Vtebantur nummo æreo, aut anulis ferreis ad certum pondus examinatis, ita Cæsar. Nam ferrum instar auri habent, inquit *Diodorus*.

DOMVS. Habuere tentoria, & casas in nemoribus extructas. *Strabo*. Pro oppidis sylvas impeditas, vallo & fossa munitas, in circulum dissectis arboribus. Tamen ad mare crebra ædificia & Gallicis similia visebantur, ob colonias ex Belgica emissas. *Cæsar*.

NYPTIAE. Vxores habebant deni, duodenique communes maximè fratres, & affines: *Cæsar*, *Xiphilinus*. Imò & plures vnam *Eusebius* 6. de præp. Euang. Vxoribus palam miscebantur. *Dio*.

BELLVM. Pugnacissimi erant, *Herodianus*, arma eorum gladius breuis, clypeus, & hasta, *idem Herod.* pugiones tantum eis tribuit *Xiphil.* ad inferiorem hastæ partem pomum affigunt ex ære cuius sonitu terrent hostes, *idem Xiphil.* Pugnabant ex curribus quos Couinos vocabant; *Cæsar*, *Mela*, *Strabo*: pugnabant tantum ex insidiis. Macris utebantur equis, sed velocissimis, ipsique pedites expeditissimi: victores autem auidissimi cædis, *Dio*.

§i 5. Politia Britannorum.

ANTE aduentum Cæsar nullius aduenæ iugum subierant, *Diodorus*. Quod tamen de Gallis intelligendum non est: nam tempore Cæsar Diuitiacus Rex Sueffionum hic rerum potiebatur. Reges autem suos habebant, & plerumque Reginas.

Itaque Cæsar primus Romanorum eos subegit, imò ait *Tacitus* potiùs indicauit quàm tradidit Britanniam. Sub Nerone durius habiti multos Ro. conciderunt, *Buduicâ* Regina ducente ordines: repressi sunt tamen per *Suetonium Paulinum*. De his

egit triumphum magnificum Claudius. Sub Domitiano, Agricola totam terruit aut vicit. Hadrianus Barbaros primus muro submovit. Sub Antonino Pio per Lollium iterum devicti, & novus excitatus est murus. Severus motibus renovatis multos cecidit, multos ex suis perdidit, & tandem murum excitavit qui adhuc nomen eius servat. Turbati sæpe temporibus Diocletiani, Iuliani, Valentiniani. Sub Gratiano fortiter à Maximo defensi; item & sub Honorio à Stilicone: sed ab eodem Honorio sibi consulere iussi. Aëtius tamen iis opem aliquam attulit. Demum sub Theodosio iunioribus legionibus ad tutelam Galliæ evocatis, Pictorum & Scottorum crudelitati expositi sunt. Quapropter ab indigenis evocati in auxilium Saxones, qui ex hospitiis domini facti sunt, unde ortum est Anglorum Imperium, de quo agemus in recenti diuisione.

§. 6. Religio Britannorum.

DVAS maximè colebant Deas *Adraffen*, seu *Andraffen* quæ fortè eadem est cum *Adraistiâ* Græcorum, quo nomine dicebatur Nemesis. Alteram *Andaten* quæ victoria est, *Dio*. Coluere & Minervam ut vult *Solinus*.

De eorum cerimoniis quatuor habemus. *Primum* captivo cruore aras adoleuisse. *Secundum* hominum fibris Deos consulere, ita *Tacitus*. *Tertium* religioni duxisse gustare leporem & anserem, hoc tamen extremum negat *Plinius*. *Quartum* habuisse communes cum Gallis Sacerdotes, nempe *Druydæ*, per quos in Galliam translata religio, *Cæsar*. Certè ij *Druydæ* in Mona insulâ ad *Vespasiani* tempora perdurarunt.

§. 7. Lingua Britannorum.

SERMO fuit Britannis, Gallisque communis *Tacitus*. Quod colligitur ex vocibus Britannicæ linguæ quæ adhuc in Vallia viget. Apud Gallos Iuppiter Tonans dicitur *Taramis*, Britannicè *Taran* Tonare est. *Caterua* & *Cataya* voces Gallicæ sunt, *Kad* Britannis bellum sonat. *Covinum* vehiculi Belgici genus *Kouain* illis est curru vehere. *Armoricæ* ciuitates, & *Morini* à mari nomen habuere *Ar-Mor*, ad mare significat. Sed clarissimum istud *Aufonij*,

Deuona Celtaarum linguâ fens addite Diuis.